

Supervizor za Brčko pomogao postizanje sporazuma o spomenicima u Brčkom



Supervizor za Brčko dr Raffi Gregorian izdao je danas Nalog supervizora o spomenicima kojim se olakšava legaliziranje postojećih i podizanje novih spomenika palim pripadnicima bivših zaraćenih armija u Bosni i Hercegovini, kao i novog spomen-obilježja svim civilnim žrtvama u Brčkom u ratovima 1992.-1995. i 1939.-1945. godine.

Zakon o spomenicima i simbolima u Brčkom postoji od 2003. godine, ali njegova potpuna primjena je do sada bila sporna. Stoga je supervizor odlučio da pomogne udrugama i političkim strankama da riješe ovo pitanje prije završetka supervizije i da razmotri zahtjeve da ovo pitanje bude riješeno putem naloga supervizora.

Supervizor je ohrabren duhom sporazuma koji su postignuti početkom studenog 2009. godine između svih političkih stranaka, a zatim i između boračkih udruga, kao i brojnim razgovorima koje je održao sa udrugama nestalih osoba i njihovoј jednoglasno izraženoј želji da ovo pitanje bude riješeno uz uvažavanje principa međusobnog poštivanja, tolerancije i jednakosti naroda u Brčkom.

Nalogom je potvrđen prethodno postignut dogovor o lokacijama za spomenik palim pripadnicima ARBiH ispred Grand Hotela "Posavina", spomenik poginulim pripadnicima HV0-a ispred zgrade stare vijećnice ("vijećnica") i spomenik civilnim žrtvama rata iza vijećnice.

Kao što je dogovoreno sa vlastima Distrikta, Nalogom je takođe omogućeno da sredstva neophodna za sve spomenike budu osigurana u proračunu Distrikta za 2010. godinu iz neutrošenih sredstava za kapitalne projekte za 2006. godinu. Izdvajanje sredstava zadovoljiti će princip da se prema svim zainteresiranim stranama jednakost postupa, ali se u obzir morala uzeti činjenica da su svi porezni obveznici Distrikta već izdvojili značajna sredstva za spomenik ispred Hotela "Jelena" kao naknadu za prethodno nezakonitu eksproprijaciju zemljišta na kome se taj spomenik nalazi i na kome će se i dalje nalaziti.

Ovim nalogom supervizora je također ukinuta zabrana podizanja spomenika koja je nametnuta Nalogom supervizora od 23. ožujka 2007. godine i kojim je boračkim udrugama omogućeno da realiziraju svoje projekte sukladno upravnom postupku.

Spomenik svim civilnim žrtvama ratova u Brčkom biti će projekt Vlade Distrikta koji će uskoro biti započet objavlјivanjem javnog natječaja za najbolje prijedloge za idejno rješenje. Nakon izbora, idejno rješenje koje bude izabранo kao najbolje, biti će realizirano putem dalnjeg natječaja.

"Bio sam veoma impresioniran željom koju su izrazile sve strane uključene u razgovore koji su trajali nekoliko mjeseci da sporazumno riješe ovo pitanje. Značajno je to što će prema sporazumima koje su postigli, spomenici trima zaraćenim armijama biti locirani 200 metara jedan od drugog, što je još jedan pokazatelj posebne prirode Brčko Distrikta," rekao je supervizor.